

光緒二十八年十月十六日 禮拜四 第貳千四百六十三號

啟者茲汕頭金源泰號夥內等
志圖別業願將艇頂與省城榮
合富隆承受全船議實價銀一
千二百圓七一兌經以七月初
十日交易清楚該艇價由榮合
富隆改名往各港倘日後生意
盈虧概與舊人金源泰無涉特
此聲明以免後論
光緒十年七月廿三日
汕頭金源泰號謹啟

卑復有運軍船一艘名為亞都路此乃第二隊之船也其副提督李士卑士則歸科壁調遣焉○檀山近聞茲接到旅檳島友人來函云檳香山現年設立新政每兩門會議各官紳所出之例甚為苛刻如要華人報冊及用英文為數目等例殊不便於華人所幸正商董程君汝楫與檀王有舊交之厚兼與士大人結納多年凡一切難行之例從中調處求其罷議故華人始得免此苛例蓋中國與檳國原無通商和約近來我華人得以相安及各會館辦事似有和約之權大抵皆程君之力居多亦鄭欽使任人之得宜也而輿情之歡洽為何如矣○一門忠孝馬江之役福星兵船受驚陳君貽蔭臨戰殉難忠勇激烈至今凜凜有生氣尤奇者陳君有女許字王君嚴孫亦在福星為三副者初三日王君與陳君相繼殉難女聞之顙以苦節自守衆人再三勸阻而女矢志靡他遂於初五日過門守節士民觀者如堵牆無不肅然起敬嗚呼忠孝節烈萃於一門洵可以風薄俗矣

承辦可惡聞閩江之役法人於未戰之先潛將水雷炮數具撈起擊開觀看則內無餘藥法人知其無能為力遂駛船直進守臺兵勇見法船由水雷上而過謂為中計即發電燃放水雷俱不聞響大驚失色以致我軍失利此皆承辦人不力之故夫偵此敵人窺伺正宜盡忠竭力出奇制勝以摧敵人之銳氣而承辦人乃專飽私囊而罔顧大局以至禍事糜爛斯人之罪其可逭耶有籌防之責者幸勿再蹈前轍亟思慎於用人則小挫之後亦不患無大勝也○橫濱郵音茲接到橫濱信息言月之十三日該處有小呂宋水手甚眾由英國新輪船而至者登岸遊行法國和路達輪船亦有水手登岸有一法國水手與小呂宋水手不知緣何爭鬧始而角口繼而施拳各逞其狼虎之威小呂宋水手人多力猛打傷法水手二名法船水手心懷不服糾眾尋仇復持刀鎗至小呂宋人處互相械鬥法人性兇登即殺斃三人一為小呂宋人一為德國蓋役名保理馬文一為少年名哥連士乃與小呂宋人同寓於客邸者小呂宋人亦心懷不服意欲尋仇又復至一酒店見有德國戰船水手誤以為法人遂用小刀刺之所傷甚重差役馳至立拘小呂宋人數名惟法人則並未拘獲如此株連重案未悉作何辦理也○意船鉅製意大利國新造鐵甲快砲船一艘計長三百二十八尺闊六十三尺深三十六尺吃水二十六尺壓水力一萬零六百墩船身悉以鋼為之其安置機器所用以放水雷者又火輪行船機器兩副每副有五千匹馬力藉以撥動兩暗輪每點鐘可行十六至十八英里此船名曰盧基隆內落里恩外又有二艘與此

容糾辨黑惑陳情論 蓋聞訛言之起以惑而生謠誣之興非詳莫辨僕身受屈君之德耳聞屈君之譴德固不敢忘讒尤不敢諱也憶僕以煙癮痼疾失足英年日月遷流羈身寸載自戊寅歲春夏之間忽悟迷機苦脫癮而無術思登彼岸縱呼楫以何能不意買棹驚江旋識屈君之面竟爾將航渡世務期伸已之忱遂惠我以靈丹起沉痾於反掌固已恩慙額頌藉日報以揚名澤本肌膚異風聞而紀實矣乃者人言伐異衆論黨同謂丹竈功高縱挽沉淪於一旦恐黃泉路近空悲拜賜於三年僕爾時聞語心驚撫躬色變既將疑而將信詎不懼而不憂無何三易炎涼騎光屢過而幾經霜暑馬齒仍增轉覺體健身強不必向青囊而藥乞神清氣朗無虞當白晝而魔纏東坡老今又重來諸葛君依然不死在人則幾疑再世在僕則實戴二天則所謂舊藥復萌移花易莖固水未落而石已出瓦違解而冰旋消者也僕有意共渡迷津不惜殷勤剖白願同人早離苦海無妨亟剪毒膏將較難除災覺濟世尙多寶筏俾醉生夢死知隨時可放屠刀則僕今日之管國以誌一日之歡亦以造斯大之福豈特爲屈君解嘲破醜而已哉 壬子蕭

抄譯中外西報 癸錄辛巳二月廿日中外新報有苦海慈航一段係由國字新報繙出據稱英國駐川領事巴公名嘉者由四川重慶郵寄信來云言及鴉片久爲中國患他常疑無藥物可戒不料於公餘遊歷至郡境左近之志和營見有操舟人久染烟癖欲戒無由屢屢中國戒烟丸散雖覺小效而引終難斷且因戒烟之故致染沉痾幾罹不起無何而本局戒烟精粉至川該舟人聞此洋藥善能戒烟得未曾有又以其名與白鴉紛及各款藥粉不同其功用自異遂購而服之不旬日老癮戒斷巴公目擊其事不禁深心歎服本局精粉爲獨出神奇故郵寄此信託新報館錄入轉爲華民之染烟患者告云善是則精粉戒烟奇效不獨中國官商見實今又爲外國遠官所嘉可知並無偽飾凡有志戒烟者請勿懷疑觀望可也

此新開紙由香港歌賦街第五門牌第三十九號中華印務局總刊印